



Mimi Karlsen  
Inatsisartunut ilaasortaq, Inuit Ataqaatigiit

**Maniitsumi ilagiit taakkulu sullissinerat pillugu § 37 naapertorlugu apeqquummut nr. 318/2019-imut akissut**

16-10-2019  
Suliap normua  
Allakkat nr. 10941081

Asasara Mimi Karlsen,

Postboks 1029  
3900 Nuuk  
Oqarasuaat : +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Inatsisartut suleriaasiat naapertorlugu apeqquutinnut qujanaq. Apeqquutigineqartut tullinnguuttuni akissuteqarfignissavakka.

*Apeqquut 1: Maniitsumi qaqugu palaseqalissava?*

**Akissut:** Maniitsumi palasit atorfik inuttaqanngitsoq massakkut inuttassarsiorneqaleqqammerpoq, Naalakkersuisullu ilisimatitsissutigisinnaavaat atorfik november 2019-ip ingerlanerani inuttalerneqarnissaa naatsorsuutigineqarmat.

*Apeqquut 2: Maniitsumi qaqugu ajoqealissava?*

**Akissut:** Ajoqitut ilinniarsimasut atorfik Maniitsormiunit Maniitsumiluunniit najugaqalerusuttumit inummit piginnaanilimmit atorfignissallugu qinnuteqarfigneqarpat inuttalerneqassaaq.

*Apeqquut 3: Naalakkersuisut qanoq pilersaaruteqarpat Maniitsumi Maniitsullu eqqaani nunaqarfinni ilagiit pillugit sullinneqarneq pitsanngortinniarlugu?*

**Akissut:** Maniitsumi palasit atorfik piffissami sivikitsuararsuarmi atorfigneqartarmat Naalakkersuisut naatsorsuutigaat pissutsit aqqittariaqarsorisat aqqinneqarsinnaassasut. Tamatuma saniatigut ilagiinni sulinermi sinaakkutitut maleruagassat nutarterneqartariaqarneri nutaanillu malittarisassaqaqartariaqarnera Naalakkersuisunit Biskoppimik ingerlaavartumik oqaloqatigiissutigineqartarpoq.

Inussiarnersumik inuulluaqqusillunga

  
Ane Lone Bagger